

金石萃編

金石萃編卷一百四

賜進士出身 誥授光祿大夫刑部右侍郎加七級王昶撰

唐 六十四

鄭楚相德政碑

碑連額高八尺六寸廣四尺二十四行行字數  
四十至四十四字不等行書篆額在澄城縣

大唐同州澄城縣令鄭公德政碑銘 并序

司封郎中集賢殿學士□□撰

衛尉卿鄭雲逵書

鄉貢進士姜元素篆額

□□□□之政咸勤東京之事取明其理邦邑必難□

口不獨堊官且二千石之選也 我國家應啟至化稽對  
前謨口口口自邇口口實先二輔載首屬城恒寧厥  
人多口於理不有卓異曷應頌歌未通神明誰鏤口石  
廼是口口十一年秋閏八月口口辛巳 詔口銘紀  
左馮翊澄城令鄭楚相功德于其理所之南門也澄人  
謂余口從良口謬口口殿飽循吏之事業聆采詩之風  
謠求成其文寘美公口口字叔敖鄭州滎陽人高祖元  
肖 皇朝口大夫祠部郎中曾祖慈力 皇朝議大夫  
蔡州刺史祖敬賓梓州通泉口口考琨興州南宮尉果  
業盛德咸稱能賢口口後人口變口子旣冠試吏逢時

屢遷及壯佐州遇守方缺拾紫大綬假□兩轡名盈利  
權道馱曠貴念代游之□□□巨卿之□□□以幅巾  
諸生修刺先進醇粹流藻馨香立言德成敢雄□奏用  
申擢秀才第爲東觀校書郎勞□□於遺編勉□士以  
主簿愛仙家於早歲安綏氏以彌年秩滿從□□□殊  
□授長安尉而至干宰是邑也致□天瑞本人和氣□  
□悌順□□性革當用財而離居驟撤屋而周□用簡  
成賦□□□役諭閭廢積論蕩狹愛俾縣衡以□占偶  
踐更□□□敏樹柔桑早蕃多稼讓隣終畝并力從□  
順祈報以登□□禮節□息宴井列□闕□□投艱寒

煥異宜男女半道戒鑿□厚商利遠適會廬之義肇周  
八家不窮之養□行四□□□蔬□豐恒□□□諸圃  
者放於園公三畝具存百本咸□生生之理脩赫赫之  
名成鴻細□□□眷載考厚藏不□之竊盡□有益之  
祠枯泉由靈而□出鷲嶽抱義而大□此又感會釋昧  
之可紀□也今□□□襍□散俸□□里□訪善良之  
疾苦降服馬於鄉亭此又顧懷隱微之所□流也統齊  
多方宗諸元□臻於□□□於洽平人閑歲安□□  
雲明鷄犬攸聞火烟闔境表率王旬圖像連城□□□  
理道之至歟是皆根於□心□□□操軼倫先時劇職

口歲九賦疾如影響利用卷舒摘詞則宣章練政則居  
口口函 詔除褒者遂冠口文行之其猶子口太傅伯  
師尚書之徵口口口 崔君口寵乃寮聞言於獻狀詢  
績口口據於是百姓孫士良等報德誠明請命 朝省  
而斯頌作焉詞曰

澄有賢令兮爲鄭父文雅楊班兮學齊魯執業操刀兮  
造新部更宅闢戶兮調舊宇家多令口兮口口野播  
口苗兮鍛鍾畝泉異貳師兮亦我澍獸同安成兮不吾  
禦西海少婦兮慎莫渡潁川四君兮敢爲口螭龜爰伐  
兮題廣路崔嵬靡泐兮偉終古

左司郎中宇文選修功善狀 守令白潛成立

貞元十四年正月廿五日建 姜濬摸勒并刻字

鄭公字叔敖字上當碑裂處缺二字卽撰字上亦裂  
據趙目而知其爲陳京也碑云百姓孫士良等報德  
誠明請命朝省斯頌作焉殆奉詔立碑曾下考功而  
非後世士民擅立去思也

金石  
後錄

鄭君字叔敖泐其名案文中有云詔京銘紀左馮翊  
澄城令鄭楚相功德于其理所之南門則其名爲楚  
相矣京字慶復官至秘書少監集賢學士見柳宗元

行狀

關中金  
石記

碑殘泐金石文字記云公字叔敖鄭州滎陽人而不  
得其名今案碑前列鄭楚相名故下惟云字叔敖而  
名不再見顧氏殆失檢也鄭君初擢秀才第爲東觀  
校書郎授長安府至于宰是邑百姓孫士良等請命  
朝省斯頌作焉後又言左司郎中宇文邕修功善狀  
蓋唐自武后聖歷二年制州縣長吏非奉有勅旨毋  
得擅立碑于是凡以政績將立碑者具所紀之文上  
尙書考功有司而攷其詞今此碑猶可案也驗實則  
人無溢美準勅立益有風勸余故錄之以見唐制如  
此宇文邕載宰相世系表爲御史中丞者當卽其人



授堂金  
石跋

按此碑撰者陳京及篆額之姜元度兩唐書皆無傳惟書人鄭雲逵署銜曰衛尉卿舊傳云滎陽人元和元年拜右金吾衛大將軍歲中改京兆尹新傳云元和初爲京兆尹皆不言其官衛尉卿唐書百官志亦無衛尉卿官名唐六典左右金吾衛大將軍掌宮中及京城晝夜巡警之法注云後漢掌宮外及京師盜賊水火考按疑事衛尉巡行宮中執金吾徼巡宮外相爲表裏所以戒不虞也考漢書百官公卿表衛尉秦官掌宮內衛屯兵後漢書

百官志衛尉卿一人掌宮門衛士宮中巡徼事是唐之左右金吾衛大將軍所掌同于漢之衛尉卿雲逵署銜用古官名耳此碑立于貞元十四年觀雲逵自署則其官右金吾衛大將軍不在元和元年疑兩傳誤也碑云口口十一年秋閏八月口口口辛巳上泐二字乃貞元也下泐三字閏八月爲乙丑朔則辛巳乃十七日也高祖元胄曾祖慈力祖敬賓宰相世系表有鄭敬賓別一人考琨唐書表傳皆不載陝西通志名宦傳有鄭叔敖貞元元年授長安尉後辛澄城民思慕之立石以識卽謂此碑也通志直

作叔敖是未驗碑有楚相字碑不詳尉長安在何  
年可据以補碑所未備末云宇文邕修功善狀他  
碑紀德政者所無

### 董晉碑

碑高九尺五分廣三尺九寸每行約六十字現存二  
十四行餘剝蝕不可考行書額題唐贈太傅董公神  
道碑九字篆書在  
偃師縣經周寨

□□□□節度副大使知節度□□□□下口汴州

諸軍事兼汴州刺史上柱國隴西郡開國公贈太傅<sub>關下</sub>

朝議郎守中書舍口<sub>關下</sub>

皇太子侍書正口口<sub>關下</sub>

漢興五代孝武思理膠西相陳天人之際王道下口口

口口口口口口口口口口重承術之崇啓心宣力

口率慶士陟恪宗工能系其列公下口疚口口之口口

口口口初肅宗受端命以合兵車思欲去口

口口湯火下口口視口口口口口采章口宗

御天下乃清口口口爲文憲彌口陪口下奉常口口口

今上建皇極口脩口紀思代天工俾寧方下口

口平章事居五年口禮部尙書口口口口遷兵部

分正下口口口口口口口口等州觀察處置口口

口五年二月口丑薨于位口口下口口口口優之也初

公以祠部郎爲出疆從事北方之強口口下口口口之

閣下

勇沛口餘力其爲大府未浹日而理乃珥貂口口口

劇下

口以口口亞相使于北河其往也薊門不開山東多旱

習俗□□<sub>關下</sub>□□□□□□□□<sub>關下</sub>謀因以爵沒憑軾

閣下

勞虐

蹕而旋益口

天下

口口口而不顯其爲相也口戴下口口口口口口陳於

閣下

口不可悉數并章口口然後得請其才封闕下口

閣下

上以爲陳畱口口口郊口非口關下口口長

閣下

城口口蘊在靈府悍將口口口口口口諸侯  
闕下口

閣下

一邦之人得聞

閣下

口諸侯自膠西而下口口口口口口新浦主簿贈

闕而無貴下祝口口口文學行義克下於口口下口

人京兆韋口下年無下

碑陰

拓本僅有下截二十餘行行約二十  
十字漫滅者多茲就顯明者錄之

口口拜殿中侍御史四遷口中書舍人歷工上命至右

口口主客員外郎有高文至性不幸上乃纂集其文刻

于左方以脩遺闕禮上二年土壤咸闕三年家上于室

變丘墟為閭里散災祲為和上車口口十省其五郡邑

資儲三蠲其上取以歸揚子七縣之衝也列為小上逾

周月如有二天化洽數州上關口相口國作旱歲之霖今

公上關口口口口口口口不言而衆事舉正色而羣心

服邊鎮上關江口口剗木爲舟用五行潤下之功息上關不

疾而速性命之際融正氣以發上關令而口若親臨再相

天地之宜三秉上關

關用置典刑士吏自清乃設堤防禁遏上關大化四流歸

朝執憲專贊皇猷上關有口口口去口口口季口口口

穀焚蔬人化於公上關口口五口而人不知公興其

教我箱千斯上關口精口口平政均泊泊蜀江來自天上關

口口口明口口統口師旅弛張柵戍不戰上關留授鉞又

命富人下

億按碑中截剝蝕文斷已不屬韓太初得張太保碑  
因附石有此碑質之於余余命及門李於岸摹搨以  
歸就其中可尋繹者攷之斷其爲董晉也碑載肅宗  
受命以合兵車思欲去元元之湯火下有視草及  
珠章等字唐書本傳肅宗幸彭原上書行在拜秘書  
省校書郎待制翰林蓋謂此也碑載代宗御天下乃  
清吏職以爲文憲彌綸下有奉常字攷舊書晉本傳  
歷秘書太府太常少卿又云德宗嗣位改太常卿韓  
文公集董公行狀遷秘書少監歷太府太常二寺亞



卿下又云又爲太常卿今奉常卽太常也碑與行狀合惟本傳言德宗立授太府卿而不及太常此宜以碑爲詳者也碑載今上建皇極以修人紀思代天工有門下平章字又有居五年除禮部尙書字遷兵部字分正字節度汴宋毫穎等州觀察處等字本傳貞元五年以門下侍郎同中書門下平章事又云罷爲禮部尙書以兵部尙書爲東都留守皆與碑合惟汴宋毫穎觀察處置等使史畧而不書舊書惟言汴宋亦不及毫穎亦惟碑獨與行狀符也碑載十五年二月丁丑公薨於位行狀亦云十五年二月三日薨於

位碑又載初公以禮部郎爲出疆從事卽傳所謂李  
涵持節送崇徽公主於回紇署晉判官其事同碑又  
載以祭酒亞相使於北河其往也薊門不開山東多  
壘卽傳所謂改國子祭酒宣慰恒州其事同碑載拜  
章八上然後得請卽行狀所云退以表辭者八方許  
之而傳又不及此又宜以碑補也碑在府志以爲佚  
不可得又入洛陽內今以韓君喜事故余得收而誌  
之以正方志之疎竝使太傅墓地亦有聞於後豈非  
幸哉金石攷定此碑爲權德輿撰而書尤險勁惜莫  
存其名按題銜有皇太子侍書碑載貞元十五年字

則碑爲石刻建立又在十五年後矣時已去順宗卽位不遠其時王伾嘗爲太子侍書蓋卽其人也

僊師金石

遺文記

### 無垢淨光塔銘

碑連額高一丈二尺五分廣五尺二十三行行四十四字正書篆額在福州府

皇帝降誕日爲

國建無垢淨光塔銘并序

攝觀察推官宣義郎前行秘書省校書郎口承宣撰  
昔如來以善惡無所勸爲之說因果修因果者無所從  
爲之存像教像教設而功德爰立因果著而報應彰明  
至於聚沙亦獲多福矧口口縱廣之高大其功德曷可

思量哉惟

唐貞元己卯歲孟夏四月旬有九日

聖君降誕之辰也煌煌乎溥天之大慶率土之盛事窮  
祥絕瑞略而不談人神幽贊品類歡樂口自京邑達于  
海隅各獻珍寶以賀 昌運先是 觀察使柳公

監軍口魚公相與言曰聞夫西方之聖者口崇福  
之本至仁之教故報 君莫大於崇福崇福莫大

於樹善樹善莫大於佛教教之本其在浮圖口口口

今皇帝道邁往初澤漸無垠天下之人登壽域樂太平  
者二十有一年于茲矣含氣之類尙猶知咸矧臣子之  
心口當于茲辰焉於是會釋徒謀建置作爲浮圖以塔

名之夫塔者上□諸天下鎮三界影之所蔭如日月之  
照破昏爲明鈴之所響如金石之奏聞聲生善如是諸  
福盡歸 □□謀之旣臧相顧踴躍顧力□果事

無不諧齋心至誠三卜皆吉相地面勢依山憑高標勝  
槩于南方跨上游於福地食 王祿者樂於檀施

荷 帝力者悅而獻工役無告勞功用斯畢

皇帝嘉焉 御札題額錫名貞元無垢淨光之塔屹  
然峻然高立雲外霽盤而星象可接金榜而鸞鳳交馳  
從何處生如踊諸地路金剛而難壞與刼石而齊堅取  
舍利以寘其中□□□以表其外俾夫觀覽者名号斯

識瞻禮者利益居多異夫經營之初墾鑿之始周其基  
趾下現盤石五色□□□□□意將靈祇先有所待  
盤石之上又生異表瑩澈冰淨淋漓玉顏如物之牙粲  
然攢植訊諸博識得未曾有非 □孝之感動神祇

之協贊則何以有斯靈異乎况 河東公以仁德鎮

撫海隅庥安 魚公以忠□□ □□□輯睦二

臣協□一方康寧建彼崇塔赫然丕續上以資

大君無疆之福下以遂□生□□□□□□□亦

至矣盍刊諸貞石以示于將來小子備從事之末奉銘

敘之 命豈知竺軋之道空爲□□之□□□

瞻彼靈塔巍巍崇崇疑目地踊若將天通作鎮海隅高  
標圖中影護下界形儀太空金盤□□□□□□□□  
□□贊茲盛功侯其建之臣子之忠□□福之

聖壽無窮

貞元十五年歲次己卯□□□□□□

福建等州都團練觀察處置等使朝請大夫使持節  
都督福州諸軍事守福州刺史□

福建監軍使朝議郎行內侍省內府局丞員外□同  
正員上柱國賜緋魚袋魚□

右貞元無垢淨光塔銘今在福州府梁克家三山志

云石塔寺在州西南貞元十五年德宗誕節觀察使  
柳冕以石造塔賜名貞元無垢淨光庚承宣爲記卽  
此碑也碑末題福建等州都團練觀察處置等使朝  
請大夫使持節福州諸軍事守福州刺史史以下皆  
闕以三山志證之知所闕者爲兼御史中丞及柳冕  
姓名也次一行題監軍使朝議郎行內侍省內府局  
丞員外置同正員上柱國賜緋魚袋魚獻獻字剝落  
止存右一筆今據三山志補之志所書魚獻獻結銜字  
多譌脫文又當據碑爲正耳碑中基趾字避諱作基

與慈恩寺基公塔銘正同

潛研堂金石文跋尾



按碑云貞元己卯歲孟夏四月旬有九日聖君降  
誕之辰唐書本紀德宗以貞元二十一年正月崩  
年六十四推其生在天寶元年至貞元己卯年五  
十八寺僧爲皇帝誕辰建造浮圖僅見此碑當時  
佛教流行天下以建塔寓祝釐之意當不止一處  
而福州距京師遠數千里僻處海隅此碑獨流傳  
至今撰文者庾承宣無傳書者柳冕唐書傳稱冕  
字敬叔博學富文辭貞元十三年兼御史中丞福  
建觀察使此碑正在福州時也冕官福州置萬安  
監索部內馬驢牛羊畜牧之民間怨苦坐政無狀

代還然則碑稱其以仁德鎮撫海隅底安者亦過譽矣

徐浩碑

碑高一丈八寸廣四尺九寸五分三十四行行八十字正書在偃師縣學

大唐故銀青光祿大夫彭王傳上柱國會稽郡開國公贈太子少師東海徐公神道碑銘并序

朝議郎守河南少尹飛騎尉賜緋魚袋張式撰

次子朝□□□南□□□□□□□□□□

書并篆額

惟天陰隲下土恢宏相導降聖啓邁生賢佑時猶三光

五行晷度盈缺之無愆候也當

寶宗開元口後景化昭融選建明德大旌文學

肅宗嗣位首革艱運方口口口邊口

儲口則口功口難議獄口死口

代

宗口口口

今上纂丕圖參任二柄

以康億兆會稽公歷奉

四后周旋五紀

各因其會振耀長才有潤色皇猷之口口口納口之直  
口口口口流之口威懷口德之口口外統口口口口  
卿開國承家分口口上所不至者未昇鼎司儒流展用  
亦已厚矣公姓徐氏諱浩字季海東海郊人隋杭州

錢唐縣令澄之靈孫 皇朝逸人口口之曾孫益州口  
口縣尉贈吏部侍郎師道之孫銀口口祿大夫口州刺  
史贈口散騎常侍嶠之之子稟命于天稟訓于先稟氣  
于山川國器斯全輔之沉研無得而口鬱爲通賢年十  
五口經術首科昇口始口口口山口口口口卑時  
論稱之無何 口口俾口口賢口口大學士燕國公說  
口之滄溟口代宗師嘗覽 公應 制喜雨賦及五  
色鴿賦兼和 製等詩曰後進之英今知所在賞歎  
口口口爲上聞賜帛出於中禁依聲播於樂府無翼而  
飛遽口口口口口是愛其才口其口始終口口進太

子校書集賢殿待詔改鞏縣尉尋拜右拾遺張守珪之  
節制幽薊恩冠諸侯欽承□□特□幕賓陳□優遂其  
請授□□□□□□府君憂□際補京北府司□參  
軍□□□藜□濱於滅無復宦情□□逾年勉從親故  
之諭起就常調授河南府司錄轉河陽令先是有曖昧  
疑獄繫囚六十人 公下車□縣□□□□□□□□  
□□□□□□□□□□熙熙如也桐□遺愛碑頌□□  
□□□□議郎東都畱守□□辟從其事有河□俚人  
僞作符命埋深谿而表異滋拱木以徵年然後假獻歲  
之辰矯 元元之□審言 □□□□□□□□□□以

得之口雷同之口矣口云祚聖口以口口口口既悅於

聽聞史纂方裁於簡冊公明徵篆口立辯乖訛

正大謬於已然折羣言於獨口既而致口悉驗口姦遷

金部員外郎轉都官郎中口口南口補口口口口口

求成俗事多詐監吏亦口口公口口口口口口口口

信義必行於夷獠廉平可動於鬼神五嶺百越頌聲四

合同詣方面請建旌德碑都督張九皋口之飛章朝議

以爲主聖臣忠口口口德口人到于今歌之轉

刑部郎兼司農口口口口兵部口口口口口口幽口始

禍富縣興師公以官在職司志當靜亂馳駟詣闕陳

謨納忠度向背於兵鋒算隄防於地理慮先物表機變

□□ 天子□□方□大□奸□忌害□□

□□除□□刺史□旆卽路 皇情□寤念翦桐之□

信□剖竹之非輕乃加本州防禦使錫金印紫綬及京

師失守 翠輦西巡成都築受養之宮□□□□

之制□□ 公詣 行在所拜中書舍人集賢殿□

□時 鑾輿□復□詔急宣尤資倚□之能多類□

□之□ 公虔恭 法□□□ 天顏□管風

生落殘泉麗皆如□□特選□鋒 上□其□□□

□□以本官兼尙書右丞封□□縣開國□喪亂旣平

□□及正輔宣

天子之孝奉揚君

父之慈

肅宗降孝感光□之詔

肅宗□至道□□之□□□官之□□□三  
接□□獨以□文□□□□代文□之盛孰可傳其  
類歟當時以陷賊衣冠正名同惡百辟□議三司定刑  
其徒三□將寘重典 公上引大□□□□□□□  
輕之義近□侯□□□於輦轂 太□唯罪□

人越□□□□□狄仁傑議誅元惡而□國章有素故  
事斯在詞簡理要端如貫珠百寮傾聽無復異論廷諍  
□進竟獲減論李輔國憑寵恃□□臣□□□□將授



左散騎常侍□□□□ 公□陳□□由官邪名不□  
□□□□之地□從顧□之□授非其人期不奉  
制有命改授大詹事且曰將來命官若此者皆許以  
聞然蹇諤之誠幸伸於一□而浸潤之譖口中於多□  
□□□□□遂貶廬州長史

代宗踐

祚公論勃興□□復中書舍人加銀青光祿大夫集賢  
殿學士□知院事尋遷工部侍郎楊沔微病久政□□  
於南海焉崇道陰奸伺□盜據新□以爲□鉞□□□  
公□可拜嶺南道節度觀察等使兼御史大夫 公  
折簡飛書先□大信順流鼓□以示不疑見□者皆曰

此選補徐郎中之名也父母至矣復何所求旣而傾巖  
洞以口命口戈鋌而口口口口人跡罕通口口  
風蕩其口口無口口舉口口口口口復口庶口  
而口口之口口年有口部之拜復兼集賢學士嘗領東  
都選務銓第舉科凡百口流拔奇者一人卽口北口宰  
輔口口年卽口口口齊公口人焉洞鑒深議皆此類  
也口口口德口不掩口口口執法口所繩又黜口州別  
駕

皇上登寶位徵拜彭王傳加會稽  
郡開國公食邑二千戶觀風儀之可法口口口之口口  
口口口口欲以論口之口口之口明年薨於長安永

寧里之私第享齡八十口第加等贈太子少師口焉

公口口之興中和所蘊智周顯晦行茂家邦班固謂董

仲舒公孫繹倪寬以儒口口口口口口似口口口口

口口口口口口媿於前賢先府君擅書口嘗授筆法口口

口口草隸兼優開元天寶之間傾玉帛刻琬璵口一口

二妙而已議無優劣以王右軍父子擬焉始口口口口

爲中書令張口口口口口口定口不復以禮口口懷故

口口英口孰非口友口口口口口我吹噓所以口登石

渠再踐西掖口更臺省出口旌旄九遷而碩望弥高三

黜而輕痕不汙寶寶本末信中庸之君子歟公以建

中三年四月廿五日□以其年十一月葬于東都偃師  
縣先塋之左□洎貞元十五年□□□宰王畿之□  
安璫爲□府法曹掾璫玫舉進士未第伯仲之存者四  
人現嘗以家傳遺文俛叙其志曰史諫藏諸□□墓版  
闕於幽局□惟世□□□□未□紀功□□□□  
□□□百代朝□夕殞□□無恨國有干戈之□家有  
□□之戚□□未就垂廿年辭將涕從禮以情激則聖  
人所謂揚名於後代以顯父母者揚己之美與揚親之  
美□孝子也其□先□顧□□寂之請□□□□□  
銘曰

口南有截口口口中蟠會稽旁浸海浙合風蘊玉浴  
日孕月象合粹靈氣生才哲才哲伊何惟 會稽公克

口克亮克孝克忠口口宏謀王謝高風實探其奧實口

其蹤

其一

口口口口口口口口直口適溫重威儀抑抑乃

辯姦諂羣疑去惑載謙典刑刀鋸滅息內外更踐卑高

稱職績著練緇愛畱邦國

其二

會稽之文代天爲言藻

繪

皇猷恢宏

化口口口

變律口

澤口

寃寃劇淵

口疾如雷奔宣明日月口翊乾坤敷暢大號親親尊尊

草諒兼善鍾張抗論一臺二妙獨耀吾門

其三

會稽之

武非謂暴虎建旆鞠旅口綏南土南土兇殘民痛里碑

盜口乘口餘口口口以口口誠口亂口謂口大我

口揮翰翰墨口經人肯輟寧

其四

會稽之終翰苑其空

宸展軼悼邦人輟春指摸遺草景行中庸文雅道

喪誰其口口口周之東天地之中邛洛口口舟車會通

故塋新塋口口口勒口口德悠悠不窮

其五

貞元十五年歲次己卯十一月辛丑朔廿四日口口

建

表姪前河南府參軍張平叔題諱

河口屈口吳郡口口口刻字

右彭王傅會稽郡公徐浩碑亡其下截每行止存三

十九字其文河南少尹張式撰書石者據金石錄爲  
浩之次子現字畫道勁猶能步趨家法碑稱其歷官  
甚詳其爲太子校書集賢殿待詔改鞏縣尉拜右拾  
遺又授河南府司錄代宗時再兼集賢殿學士皆史  
所未載傳稱越州人碑云東海鄒人者舉其族望也  
又按肅宗子彭王儼薨於肅宗朝子鎮爲常山郡王  
無嗣王彭者憲宗子彭王惕受封在大中六年距浩  
卒已久唯高祖子彭王元則之曾孫嗣王志疎或其  
時尙存而季海爲其傳乎

潛研堂金  
石文跋尾

碑云除襄州刺史加本州防禦使賜金印紫綬及京

師失守云云是浩自襄陽防禦使遇安祿山之難遂從明皇在蜀授尚書右丞新舊唐書旣遺浩趨行在之事舊書則云安祿山反出爲襄陽太守本郡防禦使賜以金紫之服誤以安祿山反在浩爲防禦之前又云肅宗悅其能加兼尚書右丞亦誤以元宗爲肅宗矣碑又言當時以陷賊衣冠正名同惡百辟會議三司定刑其徒三千將寘重典公廷諍三進竟獲減論是浩當時救陷賊官有力與李峴議同此實不朽之事史俱不載何也浩墓在偃師故碑云葬于東都偃師縣先塋之左今移碑至學懽其日久遂致迷失



也寶刻類編云彭王傅徐浩碑張式撰次子峴正書并篆額表姪張平叔題諱貞元十五年十一月立在洛今缺峴名墨池編稱徐峴善書工行草石曼卿得其石刻屢稱於人其書信有父風

中州金石記

億按碑刳缺不完今依其可見者云浩東海郟人攷唐書浩本傳作越州人地理志郟雖屬越然遽以越概包之郟縣不若此碑爲紀實也碑書其上世有隋杭州錢塘縣令澄之元孫皇朝逸人

缺

敬之曾孫

缺

州九隴縣尉贈吏部侍郎師道之孫銀青光祿大夫洛州刺史嶠之之子地里志九隴屬彭州此碑州字

上缺字宜作彭碑敘浩歷官有進太子校書集賢殿  
待詔改鞏縣尉尋拜右拾遺傳旣不悉載而下遂云  
進監察御史裏行辟幽州張守珪幕府歷河陽令以  
碑證之張守珪陳乞優遂其請進監察御史授河南  
府司錄轉河陽令則進監察御史在應辟以後而傳  
書在前又不言授司錄皆史文之疎也碑又敘遷金  
部員外轉都官郎中缺有嶺南請建精德碑與史爲  
嶺南選補使合下又敘轉刑部郎兼司農少卿又轉  
吏部缺幽陵始禍寓縣興師加本州防禦使賜金印  
紫綬缺拜中書舍人集賢兼尙書右丞封會稽縣開

國

缺代宗踐祚

缺

中書舍人加銀青光祿大夫集賢

殿學士別知院事尋遷工部侍郎又拜嶺南道節度  
觀察等使兼御史大夫云云以較本傳亦詳略互異  
碑又云始自登朝爲中書令張曲江所器而傳惟云  
張說稱其才曲江之於燕公並有見知之譽獨載燕  
公何也碑後題銜表姪前河南府叅軍張平叔題諱  
顧亭林記顏氏家廟碑云今人自述先人行狀而使  
他人填諱非古按此則唐人已是有是矣 府志引金  
石攷貞元十五年張式撰次子峴書今碑列峴書者

已刊缺

偃師金石  
遺文記

碑後題銜稱表姪前河南府叅軍張平叔題諱新唐  
書食貨志戶部侍郎張平叔議權鹽法弊請官糶鹽  
可以富國李渤傳載度支使張平叔歛天下逋租昌  
黎集論鹽法事宜狀議張平叔所奏益其歷官參之  
此碑皆可畧見然終爲一計臣而已題諱之古前跋  
已言之近校潛研堂金石跋尾謂周益公跋初寮王  
左丞贈曾祖詩末題通直郎田橡填諱据爲宋人已  
有之不知唐固有之而錢君未見此碑全本也又麻  
衣子神字銘有云南陽貢士李珣填諱碑由李述魯  
卿誤二男字述魯遠書文時父已沒矣因於親諱倩

人填之君子之於名終其慎如此浩碑爲次子峴所

書固猶是也

授堂金石跋

按此碑張式撰次子某書并篆額銜名俱泐式附舊唐書張正甫傳云正甫之兄大厯中進士登第式子元夫傑夫徵夫又相繼登科大和中文章之盛世共稱之而不載其守河南少尹碑載浩之高祖澄曾祖□□祖師道隋唐書皆無傳舊唐書浩傳僅稱其父嶠

服之字

官至洛州刺史碑於州刺史

上泐一字据傳是洛字据偃師金石遺文記作洛字新書傳稱嶠之善書以法授浩而不書其官各

有所畧也碑稱師道官益州□□縣尉泐其縣名而偃師遺文則爲九隴二字上文州字上泐一字以爲九隴縣屬彭州宜作彭字此搨益州字甚明唐書地理志彭州濠陽郡垂拱二年析益州置碑似舉其未析之州名也法書要錄載徐浩古蹟記云臣先祖故益州九隴縣尉贈吏部侍郎師道臣先考故洺州刺史贈左常侍嶠之眞行草皆名冠古今無與爲比墨池編稱師道字太眞會稽人少有志行不干仕進裴行儉辟賓幕授九隴尉棄官歸隱及終謚曰文行先生精于翰墨嶠之字惟嶽

純老積學嘗面誚張易之而佐佑五王迎立中宗  
歷趙湖洛州刺史正書行書道媚有楷法所載較  
碑傳加詳而其官洛州洛州諸書互異此揭磨泐  
不能定其孰是矣通志金石略書史會要皆稱浩  
次子峴兩唐書浩傳皆不載其子宰相世系表又  
無浩一系而碑則云伯仲之存者四人曰璲璿玟  
璵之上文泐不可見玟之下文曰現嘗以家傳遺  
文俛敘其志云云似卽書碑之次子則當作現字  
與伯仲名同从玉然諸書皆从山作峴亦不能定  
也兩傳稱浩越州人墨池編稱師道會稽人會稽

屬越州碑則稱東海郛人固是舉其族望然攷之  
徐姓以國爲氏伯益之子若木受封于徐氏族畧  
云卽今泗州臨淮碑作東海郛人者已不能詳其  
緣起至遷居會稽又不知在何代宰相世系表不  
著會稽一系惟据浩封會稽郡公可知其居越已  
久矣傳稱浩典選部多積貨財又嬖其妾干政事  
爲時論所貶而碑則云九遷而碩望彌高三黜而  
輕痕不汚諛墓之文不足徵大率如此碑立于貞  
元十五年十一月廿四日距其建中三年卒葬又  
十八年碑云垂廿年者舉成數也廿四日下泐二



晉太原王公碑

碑高一丈一寸七分廣四尺四寸二十五  
行行五十六字正書在蒲州府臨晉縣

追樹十八代祖晉司空河東太守猗氏侯太原王公神道碑并序

袁孫饒州刺史顏撰

華州刺史口滋篆額

韋縱書

始祖無名 道之出也曾孫有國周之宗也夫國有開必先粵若后稷播種蒸人乃粒周之先也積仁成德積

德成聖以口文王周公與天地口口乃繼爲家聖焉周  
禮周易與日月俱懸元著爲家法焉開國德澤之源流  
爲國制度之口口俾口口不易萬口口口豈口三十代  
中八百季內而口厥後子孫因王顯姓始自四十一代  
祖周平王孫赤其父泄未立而卒平王崩赤富嗣爲口  
父桓口口廢而自立用赤爲大夫及莊王口口赤遂奔  
晉晉用爲并州牧自赤至龜八代代牧并州龜生喬至  
文釗十六代口前八口代襲封晉陽侯文釗生叔儻叔  
儻生伯口伯口生七七河東太守征西大將軍七生卓  
卓字世盛歷魏晉爲河東太守遷司空封猗氏侯夫人

河南裴氏父仲賢任雍州牧卓翁年七十九薨於河東  
口屬劉聰石勒亂太原晉陽不遂歸葬河東猗氏縣  
焉隋才猗氏爲桑泉縣今司空塚墓在縣東南解口城  
西口口至今子孫族焉自古太原王也亦猶潤州上元  
縣有瑯邪鄉後魏定氏族僉以太原王爲天下首姓故  
古今時諺有鼎蓋口口口蓋海內口族著姓也我  
卓翁葬河東子孫成族口生將相而太原之望獨不鼎  
蓋河東著姓乎况本枝奔葉金輝玉映洪源長派碧海  
清漣口口婚者戚屬口之澄而爲口口絕資蔭者口稅  
不暇口而口衆口隸軍府而耳順方免負終身之耻成

積石而萬里交金口次死之告更接口口之口口出九  
流之外蓋虢地狹隘迫而使之然也開元中左丞相張  
公說越認范陽封燕國公大寧初左相縉叔越認瑯邪  
封齊國公口河東口承太原顯望久矣口口縉叔齊  
公沒之而口口口口如口齊兩公皆明世大賢社稷重  
器尙尔爲也况中智已下薄俗者乎又見近代太原房  
口口顯姓之祖始自周靈王太子晉瑯邪房譜亦云太  
子晉後且晉平公聞周太子生而異使師曠朝周見太  
子太子年方十五曠謂太子色赤太子謂曠曰吾後三  
季上賓于帝果十八而仙得口口元精口降口口口冥

則知季未十五已是神仙矣豈於三年之中而始同凡  
有嗣息邪是口爲修口口務神奇祖先競稱太子晉後  
口其安歟凡稱太原王者無非周平王之孫赤之後前  
已詳之明矣桑泉房隋奉朝請善翁善之子口口翁官  
至開府儀同三司車騎將軍河北道大摠管見隋書墓  
今有碑僧曇延育奇表身長八尺見高僧傳蒲州桑泉  
人也或有延公讚曰德與天全身與佛半桑泉房幽州  
都督元珪翁廣州都督方口翁口口德光時左補闕智  
明伯戶部員外郎岳靈叔猗氏房右丞維叔左相縉叔  
俱偉文曜世或有口縉叔詩曰人間左相口天下口口

詩人謂□□□□□□鄉房安西北庭二節度正見  
叔武德冠時如入仕 朝廷□舍或一出官州邑十室  
二三通文武舉選僅不以屋有□□□□□□□□  
□□不已之慶流于無窮也然因官婚或棄鄉族迷失  
宗望亦往往而在晉司徒和翁誠宗人曰若結婚姻如  
暴貴無□□□□□□□□□□□□□□□□代不仕不  
學不看客失婚無譜不葬無墳墓不修仁若是□事三  
代皆淪小人也戒之慎之孱孫顏由進士官□□□除  
洛陽令□□□州入大理少卿拜御史中丞出彌州刺  
史常歎 大道久隱澆溺時極今於正經揭道字爲志

於子史揭□□□翼成□□□□□□□□□□  
□□□碑銘聞於朝卓翁塚墓古有碑廟直下宗子四  
縣離居每季用□月七日□合來祭干戈動來廢至□  
□□□□□其□□□□□□□□□□□□□□□□  
子孫日失其序顏實永痛力建豐碑有四義焉一歸流  
遷者之心二□迷宗者之望三□旌□者之□四□□  
□者之□

太原一宗晉代三公薨時世□葬此河東孫謀克著祖  
慶所鍾顯魂凜凜遺家□□

唐貞元十七季□□□□□□□□□□□□□□□□

口建

按碑爲王顏撰口滋篆額韋縱書王顏兩唐書無傳篆額者滋泐其姓乃袁滋也軒轅鑄鼎原碑虢州刺史王顏撰華州刺史袁滋書結銜與此同但彼是書碑此則篆額耳亦可見顏撰而滋書者多也韋縱上結銜五字全泐宰相世系表縱官左金吾衛兵曹參軍鹽池靈慶公碑署銜爲將仕郎前試大理評事此所泐者祇五字不知其何官也碑文大意謂太原王氏世皆謂出自周靈王太子晉氏族畧世系表皆同不知太子年十五已是神仙至十八上



賔于帝不應三年之中遂有嗣息今考太原王氏  
始自周平王孫赤其父泄未立而卒平王崩赤當  
嗣爲□父桓□□廢而自立用赤爲大夫及莊王  
時赤遂奔晉晉用爲并州牧自赤至龜八代代牧  
并州至文釗襲封晉陽侯元孫卓歷魏晉爲河東  
太守封猗氏侯薨葬河東猗氏隋析猗氏爲桑泉  
縣今冢墓在縣東南此卽顏之本支所自出也稽  
之唐書宰相世系表所載太原王氏先世及大房  
二房子孫無一合者可知其與同時之太原氏族  
皆不同系矣史記周本紀平王崩太子洩父蚤死

立其子林是爲桓王不云洩父又有子赤亦不云  
林廢赤而自立且太子名洩父與碑之單名泄者  
不同并州牧晉國未嘗有此官名周莊王時赤奔  
晉其時曲沃武公方強滅晉侯緡而獻寶器於釐  
王赤所奔必是曲沃然考之晉國諸臣未有其人  
碑所載諸人史皆無傳可攷隋書地理志河東郡  
猗氏縣西魏改曰桑泉後周復焉開皇十六年更  
置桑泉縣碑云今冢墓在縣東南桑泉縣地自天  
寶十二年省屬臨晉今臨晉縣屬蒲州府山西通  
志陵墓卷載晉司空王卓墓在臨晉縣東南二十

里城西村有王顏樹神道碑

卽謂此碑

今司空塚墓在

臨晉縣東南解古城西二里碑曰卓翁塚墓古有

碑廟文載邑志而晉紀乘不載司空王卓蓋亦謂

王卓無攷矣碑稱猗氏房右丞維叔左相縉叔則

兩唐書有傳維縉兄弟稱之爲叔當與顏同系然

檢宰相世系表以維縉爲河東王氏系其源不從

卓始其流又不及顏之本支皆所未詳要之顏撰

此碑自必無誤其追溯源流亦必有據或所傳各

有不同未可据他書以疑碑也碑有云左丞相張

公說越認范陽左相縉越認瑯邪越認二字始是

越次而認他族之義乎則認族之說始于此矣然  
据唐書張說傳稱其先自范陽徙河南更爲洛陽  
人宰相世系表張氏自後漢世居武陽健爲其後  
有諱字者官北平范陽太守避地居方城迨晉張  
華二子禕薨禕子孫徙居襄陽薨子孫自河東徙  
洛陽卽說之系也然則說之先世本由范陽徙洛  
陽與認族者異碑云越認其義究未詳

### 軒轅鑄鼎原銘

碑高七尺二寸五分廣三尺九寸十三行行廿二字  
篆書其陰分三截上截釋文廿一行行十二字中截  
表二十行行廿一字下列官名十  
五行行九字皆正書在闕鄉縣

南轅黃帝鑄鼎原碑銘 序

維而為巾惟帝堯見之惟 鑄鼎亦

惟 黃帝得止南華口目 鑄鼎鬼

福帝生而主地 黃帝自一口口三墳

功紹乃止性命道鑄鼎茲原鼎成上陸湯

福帝上鑄原式肅公止鑄銘紀鑄鼎止福

銘曰

鑄口福帝肅在子乃亦哉上古 軒轅

君化乃乃 鑄鑄鼎自福僅在秦皇

黃徒 谷 鑄曰遠光德八仁其惟

壽口縣德縣界土昭國諱

皇而所親

唐與茲原口常鼎新

銘并庫一百式十十

彌弼刺史口原王顏

參弼刺史棘湖史中丞陳郡蒼梧

唐貞元十一年歲次辛酉正月九日

甲寅

碑陰釋文

惟天爲大惟帝堯則之惟道爲大惟黃帝得之南

華經曰道神鬼神帝生天生地黃帝守一氣衍三

墳以治人之性命廼鑄鼎茲原鼎成上昇得神帝之  
道原有爲谷之變銘紀鑄鼎之神銘曰

道口神帝帝在子人大哉上古 軒轅爲君化人以

道鑄鼎自神漢武秦皇仙吳徒勤去 道日遠失德

及仁恭惟 我唐 聖德爲隣方始昌運

皇天所親 唐興茲原名常鼎新

銘并序一百三十七字

號州刺史太原王顏撰

華州刺史 兼御史中丞 陳郡袁滋書

唐貞元十口年歲次辛口口月口口朔口日建

右上一列

進口口口表

臣顏言

國家虔奉

道源天下久安

聖化伏見能事必舉善跡必旌臣所部湖城縣界有  
鑄鼎原是 軒轅皇帝鼎成上仙之所口詳史冊縣  
有昇仙宮寺具見圖經獨此口原曾無表記微臣愚  
見是千古所遺歷代口循以至口日只有鑄鼎原名  
莫知陳跡所在臣今口於原最高處刻石表之當石  
直下更須穿地口實去月廿八日本縣令房朝靜縣  
鎮邊將常憲口知官軍將口晏等同於原上選地口



穿穿將四尺得玉石□□是一□□時□□□所□  
今作四段有懸珮孔子二其日縣令所由等狀送到  
州臣送觀察使使牒却令州司自進臣以此□合有  
碑記千古所無臣輒云爲自疑妄動今幸得此珮伏  
喜不妄徵臣測度恐是 黃帝上昇之時□□遺  
墜之物臣檢筭應帝記 黃帝去今六千四百三十  
年□以天下有道地不藏珍今千尺荒原一穿得寶  
且是 □□□物應見

聖明之代徵臣不勝驚喜慶忭之至其玉珮謹以函  
盛差朝請□行司兵□軍暢賞隨表奉進伏望頒示

朝廷宣付史館臣顏無任誠惶誠恐頓首頓首謹言  
貞元十口年口月十口日口口口口口口口口口口  
口口口口口口口口口口口口口口口口口口口口口

右中一列

錄事參軍裴口

司功參軍張口

湖城縣令房朝靜

弓農縣令李日豐

湖城縣丞口遇

湖城縣尉吳圻

湖城縣尉史謹

鎮遏將守左武衛中郎將常憲

專知官同十將試殿中監杜晏

同勾當官右廂副將守左金吾衛左執戟閭晏

河東裴宣簡書

王雅刻字

右下一列

號州刺史王顏撰華州刺史袁滋簡書其作銘在貞  
元十一季九月至十七季韋諷復書識其後以簡爲  
篆蓋古者均謂之篆至秦篆既分始以史籀所書爲

猶也其曰得玉石佩於原上溪地四尺獲之黃帝太  
今六千四百三十年謂此上升時小臣遺墜物也此  
則惟矣

廣川書跋

碑見廣川書跋其字甚劣又寫轅爲轅地爲坻得爲  
得氣爲金衍爲衍墳爲墳升爲陞秦爲秦皆別字按  
从車之字不當爲車地从也不當从它金字不知所  
据管子輕重戊處戲作造六釜以迎陰陽汗簡无部  
有崗云氣字出淮南王上升記俱似此金字疑有譌  
謬然不知其正文何若也衍从水不當从彡墳从升  
不當从山从𠂔此字音拱升俗作陞秦从彔不當从𠂔此秦

字所從

又碑云南華經曰寫曰爲目則刊者之誤云失

德乙仁說文乙云古文及秦刻石及如此乙非籀文

而滋以爲籀書觀其餘文字亦未能合籀書之載在

說文者甚多滋作小篆尙多別體安能知籀乎乃劉

昫唐書良吏傳稱袁滋工籀書雅有古法蓋耳食之

言矣碑刻于貞元十七年滋爲華州刺史兼御史中

丞劉昫書稱拜尙書右丞知吏選事出爲華州刺史

兼御史中丞潼關防禦使鎮國軍使在貞元十九年

來年夏不知何也

中州金石記

廣川書跋以爲韋諷書今摩滅王顏表云云按史記

封禪書申公曰黃帝采首山銅鑄鼎於荆山下鼎既成有龍垂胡髯下迎黃帝上騎羣臣後宮上者七十餘人龍乃上去餘小臣不得上乃悉持龍髯龍髯拔墮黃帝之弓百姓仰望黃帝既上天乃抱其弓與胡髯號故後世因名其處曰鼎湖其弓曰烏號魏土地記云宏農湖縣有軒轅黃帝登仙處元和郡縣志云湖城縣荆山在縣南卽黃帝鑄鼎之處今閩鄉卽漢湖縣地故荆山在焉

中州金石記

按碑在河南陝州閩鄉縣太平寰宇記閩鄉本漢湖縣地有閩鄉津云縣三十里因津以名縣唐貞

觀元年縣屬鼎州八年州廢屬號州其屬陝州則  
自宋太平興國二年始也黃帝鑄鼎之所在荆山  
舊在湖城縣唐書地理志湖城有覆金山一名荆  
山今在閔鄉縣南三十里河南通志閔鄉縣城東  
南一十里有鑄鼎原爲黃帝採首山銅鑄鼎之所  
卽此碑所稱鑄鼎原也黃帝鑄鼎之說後世多疑  
之襄平李鍇換尙史黃帝贊曰世傳黃帝實仙去  
不死如皇覽古今注世紀諸說芬如而鑄鼎騎龍  
且自史遷發之今槩不具載所謂史遷發之者指  
封禪書也而五帝本紀但載黃帝獲寶鼎不云鑄

鼎也太史公亦自言百家言黃帝其文不雅馴薦  
紳先生難言之則其事本不可信唐時好道歷久  
不衰庸臣貢諛遂有表上玉珮之事而立碑以紀  
亦可慨已碑銘王顏撰袁滋篆書在碑陽銘詞釋  
文王顏進表及虢州官屬題名竝正書在碑陰末  
題河東裴宣簡書則廣川書跋謂韋諷復書識其  
後者不知所書何文也王顏韋諷裴宣簡兩唐書  
俱無傳袁滋爲華州刺史新唐書傳不著何年舊  
書傳則在貞元十九年來年夏是二十年也傳稱  
十九年韋臯通西南夷命滋持節充入南詔使來



年夏使還乃出爲華州刺史韋臯傳載十七年吐蕃北寇靈朔令韋臯出兵自八月至十月大破蕃兵生擒論莽熱獻于朝德宗本紀獻論莽熱在十八年正月至十九年五月吐蕃遣使論頻熱入朝則滋之使南詔當卽在此時此碑建立歲月惟廣川書跋以爲貞元十七年其實碑但存貞元十字以下竝泐其爲十七年本無明文然据碑陰王顏進表存十字而泐文在下則又非二十年立矣今從廣川跋系于十七年滋善篆書金石錄有尙書省新修記元和八年立滋篆額也韋諷書碑僅見

廣川書跋諷書攝閩州錄事參軍少陵有詩送之

李廣業碑

碑高一丈三寸廣四尺九寸四分二  
十七行行五十四字行書在三原縣

唐故劍州長史贈太僕少卿汝州刺史隴西李公神道

碑銘并序

正議大夫行尚書刑部侍郎上柱國原武縣開國男

□□□□□□□□□□□□

朝議郎使持節華州諸軍事守華州刺史□□□□

□□□防禦□□□□賜□□魚袋□□□□

夫蹈道而不獲乎上育德而不尊其位有之矣在西漢

有東海于公在東漢有□□□□其□也□範□福  
好德□□乃知道者善之□德者福之□苟茂其道豐  
其德而福不在乎其身必鍾其後嗣稽之行義質諸聖  
□□德於□陳者 李公其人矣公諱廣業字□□隴  
西成紀人也惟 我景皇 仕魏八柱國唐國公

公五代祖也若后稷肇封將嗣八百之運□海州刺史  
亮惟 我神堯皇帝受 昊穹靈命行敦敘之典

追封鄭王贈司空公高祖也若夫□沒廿方受勾□之  
□ 皇朝□□□行臺尙書□州牧淮安王神通公會  
祖也若毛畢佐周翦商功參十亂 皇朝左曉衛將軍

淄川郡王孝同公王父也口 皇太后臨朝口朱虛口  
祿口之竊威口平口以定國 皇朝雲麾將軍璿公之  
烈孝也原夫口道元氣之化成也融而爲川澤結而爲  
山阜崇功大業之口美也散而爲英雄聚而爲哲賢惟  
公 祖曾盛烈昭配 上元儲孕福裕鬱生才彥  
口口中庸口口知口口服膺一善以口口能年踰弱  
冠口口口口口 天子有事于 郊丘宗室

陪位國慶覃恩釋褐授寧州叅軍口而就列口口口  
後以序遷左威衛口口叅軍右金吾衛口曹叅軍許州  
扶溝縣丞右羽林司階 王府典軍渭州別駕劍州長

史 □□體道冲□□政□□□服□□□  
□□□抱關之祿故□□□百輒自退焉珪組貴胄  
□有慙德本仁爲行施之則誠於 □爲忠在親爲  
孝□歲丁 雲麾憂□□□節力能□□□滅性甘  
淡□□人無所加泊俯就禮經□裳外釋蒞官居處動  
思揚名敬慎膚體歸於□□□鄉里過於刑賞信□  
□朋□非久要 公以微言旣絕是非莫分春秋經旨  
仲尼所志三代之禮家分糝雜淹中之說最符孔氏故  
暢二□□義成一家師法□□情性□□樂道以開元  
十八年八月二日終于劍州官舍春秋五十有一以其

年十二月遷祔于京兆府三原縣口原鄉之北原先塋  
禮也嗚呼以公之成德也宜其臻口口登口位而年  
屈中壽位窮綱佐仲尼有喪予之歎其在茲乎厥後口  
口口口口口口口口口口口口口口口口口口口口  
口口口口口口少卿口州刺史嗚呼生得天爵之貴歿有  
廟享之尊盛矣哉闕里之口也公之元子口口

皇戶部尙書河東朔方六道節度都統□□間秀風雲  
毓德當莽卓盜國之際懃齊晉勤王之師隱如長城  
□固盤石次子□□皇金吾衛大將軍兼□□舍人  
□□□□□□□□巡禁衛玉帳增威宣導

王言彤庭讓德 公之元孫錡卽地官之冢嗣也今任

浙江西道都團練觀察處置及諸口鹽鐵轉運等使銀

青光祿大夫檢校禮部尚書使持節潤州諸軍事潤州

刺史兼御史大夫天挺俊哲才爲時生承先王丕構之

口貽燕翼無窮之烈出作藩垣入爲柱石揔摧堯轉輸

之任亘吳楚服嶺之封事絕爭承賦皆合微利澤浹天

下衣食贍口歸口蕭口口口口河內口口口口口口

惟 皇祖懿德爲代師範琬琰未刻光靈不揚謂雲

遶嘗學舊史庶聞前脩故纂口緒業口口銘表其詞曰

憲憲李公稟氣冲清涉廿居厚閑邪性情口仁爲重撰

德無形負之致遠克舉而誠服膺中庸樂□□□言  
□□忠孝□致書□□□□當味隱霧豹文瑞時麟  
趾德猷福履翼子謀孫祉流道廣慶北高門光光前列  
顯顯後昆于□定國陳類長□于陳伊何□□而盛惟  
□□之奕代流慶後之二葉俱登八命官同曳履職  
傳戎柄樹善貽遠厥配孔明至德叅化蒼穹□禎封表  
□□榮耀佳城刻頌貞石將來作程

貞元廿年歲次甲申十一月壬申朔十三日□申建  
長史名廣業曾祖淮安王神通父雲麾將軍璿子爲  
都統國貞貞子庶人錡也以錡顯故立碑碑立之未



五年而錡用叛僂矣夫一傳而子死事再傳而孫死  
叛不亦大徑廷哉碑辭多泐闕不可讀書法極清婉  
可翫集古金石諸書俱遺之因志其略

并州山人  
四部稿

廣業卽孝同之孫爲劔州長史長子國貞爲王元振  
所害者次子若水仕金吾衛大將軍通事舍人功名  
俱不顯以國貞子錡貴始樹此碑考之史國貞原名  
若幽而附若水于李齊物傳云齊物族弟不言爲國  
貞親弟又孝同碑云有子瑱此碑云雲麾將軍璲公  
之烈考則廣業家世歷歷可尋至錡以叛遂亡王元  
美謂書撰人皆不可考今碑中有云謂雲達嘗學舊

史云云而前署撰者官刑部侍郎當是鄭雲逵攷雲  
逵正與李錡同時撰文亡疑但碑又云上柱國原武  
縣開國男雲逵傳不及或史畧之耳書者則誠不可  
考書法直是徐浩敵手

石墨  
鐫華

右碑云祖淄川王孝同烈考雲麾將軍璲據孝同碑  
云子璲此云璲豈孝同有二子耶抑璲有二名耶撰  
文應是鄭雲逵逵與錡同時以禮部侍郎爲李晟軍  
司馬而碑之署撰處隱隱有侍郎字信爲雲逵也陝  
西趙子函石墨鐫華及馮孝廉文錫皆云相傳爲徐  
浩書觀其筆致頗似會稽此碑楮墨工好波磔未泐

署撰處確然爲雲逵撰并書等字後一行則袁滋篆額也近搨殘闕過半不可句讀

金石錄補

在三原縣北與淄川郡王孝同碑近杜甫贈劍州李長史廣業詩使君高義驅今古寥落三年坐劍州但見文翁能化蜀焉知李廣未封侯路經灕澗雙蓬鬢天入滄浪一釣舟戎馬相逢更何日春風回首仲宣樓

來齋金石刻考略

唐書宗室傳鄭孝王亮仕隋爲海州刺史宗室世系表則云趙興郡守此碑與傳合碑云神堯皇帝贈亮司空又稱神通爲海州牧皆新舊史所失載也廣業

父璉表稱左衛將軍而碑稱雲屠將軍亦當以碑爲

正

潛研堂金石文跋尾

按碑泐撰書人姓名撰人爲鄭雲達則文內已有雲達字可據金石錄補以爲前行是雲達撰書後行是袁滋篆額今驗其結銜有華州刺史字袁滋官華州刺史一見於軒轅鑄鼎原碑再見於晉太原王公碑一是書碑一是篆額則此碑定爲袁滋篆額無可疑也唐書表傳載李廣業不詳事蹟但云劍州長史而已此碑雖間有缺泐其存者多可讀也廣業之五代祖卽高祖之祖追尊太祖景皇

帝生八子次子昞卽高祖之父第八子亮卽廣業之高祖追封鄭王宗室表謂之大鄭王房自曾祖以下並見於表傳而事蹟多畧碑稱廣業以春秋經旨仲尼所志三代之禮家分糅雜故暢二□□義成一家師法是廣業于春秋禮經皆有著述矣今檢兩唐書經籍藝文禮類無考惟春秋類新書藝文有李氏三傳異同例十三卷注云開元中右威衛錄事參軍失名朱氏經義考亦列此書而未詳撰人之名今據碑則李氏之官與廣業同又廣業卒于開元十八年與所謂開元中者時代亦合

疑所稱李氏卽廣業也此書晚出故不爲舊唐書  
所收而行世不久故晁陳二家亦未著錄也元子  
次子碑皆泐其名以表證之國貞若水也兩唐書  
皆有傳

### 楚金禪師碑

碑高七尺四寸二分廣四尺一寸八分  
三十二行行字數不等正書在西安府

唐國師千佛寺多寶塔院故法華楚金禪師碑

紫閣山草堂寺沙門飛錫撰

正議大夫行中書舍人翰林學士柱國東海男賜紫  
金魚袋吳通微書

渾碧千丈無隱月容松青蒼莫靜風響夫德充于內  
而聲聞于天者有以見之於禪師矣禪師法諱楚金程  
氏之子本廣平郡今爲京兆之藍屋人焉祖宗閼闕存  
而不論母渤海高氏夜夢諸佛是生禪師真可謂法王  
之子者也行素顏玉神和氣清七歲諷花經十八講花  
義三十講多寶於千福四十八

帝夢於九重上

觀法名下見金字詰朝使問因不有孚聲沸江海豈唯  
京轂於是傾玉帛引金繩千梁攢空一塔聳漢廼廟飛  
閣無不創焉風起而鈴鳴半天珠懸而月生絕頂清淨  
眼耳駿奔香花度如恒沙而無所度者有之矣嘗於翠

微悟真捫蘿躋趾乃曰此吾棲遁之所遂奏兩寺各建  
一塔咸以多寶爲名度繡衣在白雲昭其靜也矧夫心  
洞琉璃思出常境玉人杼匠僉訝生知毗首所未悟斑  
翰所愕視若然則浮齒之化髻珠之教風靡千界皆禪  
師之力豈止真丹五天而已哉禪師雲雷發空谷之響  
金石吐鏗鏘之音吟詠妙經六千餘遍寶樹之下髣髴  
見於分身靈山之上依稀覩於三變心無所得舌流甘  
露瑞鳥金碧棲于手中天樂清冷奏于空際凡諸休應  
皆不有之乃曰法本無名焉用彼相長而不宰其在茲  
焉若非法花三昧稟自衡陽正觀一門傳乎台嶺安能



遷爲于之法駕廻

聖王之宸睠承明三入璽道

六宮

后妃長跪於

御筵天花每散而不

著璽宗題額

肅宗賜憐鵠返雲中住香樓而不

下龍蟠天上挂金斜而常飛玉衣盈箱璽書滿篋寫千

經滴瀝而垂露答

萬乘浹汗之渥澤夔龍貂冕

下

黃道以整襟隱逸高僧入青蓮而扣寂微塵

知識如從百城而至無邊勝士若自千花而來豈榮冠

於一時亦庶幾於佛在也雖林茂鳥歸人高物向澄渟

天地之鏡委曲虛空之姿無來乃來不往而往所作已

訖吾將去乎有夢綵座前迎諸天獻菓粦以乾元二年

七月七日子時右鳩薪盡火滅雪顏如在昭乎上生於  
安養之國矣享齡六十二法臘三十七

天子憫

焉中使弔焉尋

勅驃騎大將軍朱光暉監護卽

以其年八月十二日法葬于長安城西龍首原法華蘭  
若塔之禮也於歲禪師韶年詔度初配龍興中歲觀心  
閑關千福罷玉柄葆天光悟炎宅清涼驚一乘獨運乃  
夢塔從地涌因用摸焉今之所製抑有由矣至若神光  
緒耀於其巔聖燈明滅於其下畫普賢則舍利飛筆會  
羣釋乃卿雲澹空頂中之血刺爲經王衣裏之珠指呈  
醉士當其無有其用不立心境同乎大通彼五色之相

宣我摩尼之何有豁如也縑纈皮革多由損生屬徒衣  
布寒加艾納慈至也若乃降龍之鉢解虎之枝蓮花之  
衣甘露之飯凡諸法物率多勅賜不住於相咸

將施焉室不貯於金錢堂每流乎香積澹然閑任爲

天人師允所謂利見於大雄釋門之亞聖者也又  
曰吾自知終於六十有二矣爾曹誌之以其言驗其實  
宛如也噫八部增怛萬國同哀有詔令茶毗遵

天竺二故事於是金棺閉香木燒玉兔馴白鶴唳霧咽松  
檟風淒郊桐月飛青天無照露夜法花弟子當院比丘  
慧空法岸浩然等表妹萬善寺上座契寧萬善寺建多

寶塔比丘正覺資敬寺建法華塔比丘尼奔吒利等  
眞白凡數萬人悲化城之不住痛寶所而長往貝葉  
手執指宗通金磬發林誰宣了義以予分座

御

楊同習天台爰託斯文鏤之貞石式揚眞古敢不銘云  
天上雲飄海中日出如何落照大明奄失蓮花之外別  
有蓮花衆廊之表又逢衆廊法離去來道無今昨松門  
一塔兮誰爲寂寞寂而常照死而不亡其響彌高兮其  
德彌彰白鶴雙雙飛香郁郁明月旣出更無星宿

建塔國師奉

勅追謚歸記

以貞元十三年四

月十三日左街功德使開府邠國公竇文場奏千福寺

先師楚金是臣和尚於天寶初爲國建多寶塔置法華道場經今六十餘祀僧等六時禮念經聲不斷以歷

四朝未蒙旌德伏乞

聖慈特加謚號以廣

前修奉

勅宜賜謚曰大圓禪師中書門下准

勅施行者今合院梵侶敬承

恩旨頂奉修

持用資

皇壽將恐代隔時遷真經靡固輒刊碑

末以紀芳猷遠追鶯嶺之風聿光不朽之跡

貞元廿一年歲在乙酉七月戊辰朔廿五日壬辰建

廣平宋液模刻

按賈氏談錄言通微爲學士工行草然體近吏中州

士大夫效習之謂爲院體此碑清圓有餘道勁不足

卽所謂院本體非耶

龔州山人稿

在墨洞魯公多寶塔碑陰岑參有登千福寺楚金禪

師法華院詩卽此

來齋金石刻考略

右楚金禪師碑楚金天寶初建多寶塔置法華道場

乾元二年卒貞元十三年以中官竇文場奏勅追諡

大圓禪師文場官左街功德使開府邢國公新舊書

本傳所未載也唐自貞元四年罷崇元館大學士後

復置左右街功德使東都功德使修功德使揔僧尼

之籍及功役大率以中官爲之其見于史者吐突承

雖仇士良田令孜楊復恭見於石刻者竇文場梁守

謙楊承和皆是也

唯復恭稱左  
右街功德使

後題貞元廿一年七

月廿五日是歲爲順宗永貞元年以八月改元故碑

猶稱貞元也云七歲諷花經十八講花義謂法華經

也熠燿卽熠燿真縱卽真蹤

潛研堂金  
石文跋尾

碑載禪師廣平程氏法諱楚金歿以乾元二年七月

七日子時具書其諸多靈跡並及恩遇之隆勅驃騎

大將軍朱光暉監護舊唐書呂誼傳肅宗卽位於靈

武誼馳行在內官朱光輝李遵驤薦有才代宗紀收

捕越王係及內官朱光輝馬英俊等禁錮之碑云

朱光暉者是其人但暉宜從曰依碑文爲正碑爲紫  
閣山草堂寺沙門飛錫撰正議大夫行中書舍人翰  
林學士上柱國東海男賜紫金魚袋吳通微書通微  
本傳自壽安縣令入爲金部員外郎召充翰林學士  
尋改職方郎中知制誥改禮部郎中尋改中書舍人  
据碑文題銜爲翰林學士時已行中書舍人不應改  
禮部後始轉此官也又階勲與爵傳亦失載並宜以  
碑補之 追諡楚金禪師別爲記文附刻碑末文云  
貞元十三年四月十三日左街功德使開府鄒國公  
竇文場奏千福寺先師楚金是臣和尚云云文場見



舊唐書載文場與韋仙鳴並掌禁軍寶霍之權振於天下而文場自爲左神策軍護軍中尉又累加驃騎大將軍按之碑所記歷官爵勲皆未及也新書本傳同

授堂金  
石跋

按碑云工人杵匠僉訝生知杵字見集韻同梓木工也又見汗簡古尙書据周書梓材篇疏云梓亦作杵此卽汗簡所引也碑又云屬徒衣布寒加艾納慈至也艾納似可以禦寒者考艾納見廣志云出西國似細艾又有松樹皮上綠衣亦名艾納可以合諸香燒之能聚其煙青白不散唐宋諸家

詞賦多言其香而未有及禦寒者殆唐時吉貝花  
未盛行中土僧徒不服緣織皮革用艾納以禦寒  
此或別是一艾納抑或艾納之衣中皆不可知  
碑稱楚金七歲諷花經十八講花義法花三昧稟  
自衡陽止觀一門傳于台嶺云云蓋其精研法華  
本于天台智顗之教故稱台宗然於上生安養則  
又兼習淨土者也